

B533

MAHATHIR-INDUSTRI BERAT

1982

KUALA LUMPUR, 22 JAN. (BERNAMA) -- DATUK SERI DR. MAHATHIR MOHAMAD BERKATA KEJAYAAN NEGARA MENYERTAI BIDANG INDUSTRI BERAT BUKAN SAJA BERGANTUNG KEPADA WUJUDNYA TENAGA PEKERJA TERLATIH DAN MAHIR TETAPI JUGA KEPADA KESANGGUPAN PARA PEKERJA BEKERJA DALAM KEADAAN YANG KURANG SELESA.

PERDANA MENTERI MENEGASKAN PARA PEKERJA PERLU MENERIMA HAKIKAT INI DAN TIDAK BOLEH MENGHARAPKAN KEADAAN BEKERJA YANG SELESA SAMA SEPERTI YANG TERDAPAT DALAM INDUSTRI RINGAN.

KATANYA INDUSTRI BERAT DISEBABKAN BENTUKNYA SEDEMIKIAN TIDAK MUNGKIN DAPAT MENYEDIAKAN KEADAAN YANG SELESA ATAUPUN CARA KERJA YANG MUDAH SEPERTI YANG TERDAPAT DI INDUSTRI-INDUSTRI ELEKTRONIK.

+SEBAGAI CONTOH ADALAH MUSTAHIL BAGI KITA MENYEDIAKAN RELAU YANG BERPENYAMAN UDARA UNTUK MEMBOLEHKAN PARA PEKERJA BEKERJA DALAM KEADAAN YANG NYAMAN DAN SELESA.

+TETAPI TANPA KEADAAN SEPERTI INI PULA KITA TIDAK MUNGKIN AKAN DAPAT BERJAYA MENYERTAI BIDANG INDUSTRI BERAT+, KATANYA KETIKA MERASMIKAN PUSAT LATIHAN SYARIKAT UNITED MOTOR WORKS (UMW) DI SINI HARI INI.

--BERSAMBUNG 1321/AN

B534

MAHATHIR-INDUSTRI BERAT 2 SHAH ALAM

DATUK SERI DR. MAHATHIR BERKATA BAGI MENJAYAKAN RANCANGAN NEGARA MENYERTAI INDUSTRI BERAT, PARA PEKERJA PERLU MEMPUYAI KESANGGUPAN BEKERJA DALAM KEADAAN SEPERTI ITU.

+TANPA KESANGGUPAN INI WANG PEBAN JUTA RINGGIT YANG AKAN DILABURKAN DALAM INDUSTRI-INDUSTRI BERAT NANTI TIDAK AKAN MEN-DATANGKAN HASIL,+ KATANYA.

KEPADA BUMIPUTERA PULA, DATUK SERI DR. MAHATHIR MENYERU MEREKA SUPAYA TURUT SAMA MEMPUYAI KESANGGUPAN SEUMPAMA ITU JIKA MEREKA MAHU MENGSEIMBANGKAN EKONOMI MEREKA DENGAN KAUM-KAUM LAIN DI NEGARA INI.

KAUM BUMIPUTERA, KATANYA MESTI SANGGUP MEMIKUL BEBAN YANG SAMA DENGAN KAUM-KAUM LAIN UNTUK MENCAPAI HASRAT INI.

BELIAU MENEGASKAN +KAUM BUMIPUTERA TIDAK AKAN MENIKMATI KEHIDUPAN YANG LUMAYAN TANPA TANGGUNGAN YANG SAMA BERAT DENGAN KAUM-KAUM LAIN+.

PERDANA MENTERI JUGA MENYERU SEMUA PIHAK SUPAYA MENGUBAH SIKAP TERHADAP KERJA DAN BEKERJA KUAT BUKAN SEMATA-MATA KERANA UPAH TETAPI KERANA CINTAKAN NEGARA DAN MAHU NEGARA TERUS MAJU TANPA BERGANTUNG KEPADA PIHAK LAIN.

--BERNAMA 1325/AN